

中國地方志集成

四川府縣志輯（新編）⑥

民國溫江縣志

民國郫縣志

民國崇寧縣志

巴蜀書社·鳳凰出版社·上海書店

第六冊目錄

民國溫江縣志	一
民國郫縣志	二六九
民國崇寧縣志	四五九

國民

溫江縣志

民國・張驥等
修 曾學傳等
纂

民國十年刻本
十二卷首一卷

弁言

驥幼讀家譜紀先世祖琬亭公諱心鑑於清乾隆中葉以彭縣知縣兼攝溫江縣篆三月而罷民國戊午仲秋奉檄委權溫江縣事去琬亭公之歿已百有數十年矣鼎革之後蜀亂爲亟驥以儒士服官斯土適承其敝

懼墮先人緒業深思所以爲治之道冀於剝喪之餘稍得蘇息吾人者而學術淺薄卒未能致於理爰取縣志讀之意或可資借鏡焉而舊志爲清嘉慶時所修先世琬亭公之名已佚而弗載而其年適闕無官則知斯志

溫江縣志

卷首 弁言

一

於所聞世猶多闕疑矧百年間政事理亂之跡民俗文質之趨益茫無所攷矣卽欲從事蒐討而盜賊未息鉤距擊捕日昃靡甯講藝論道固未逮也明年政稍暇乃集邑之耆宿士夫相與謀之咸樂贊其成又以民力方瘁未敢興事而妄有所取因就清理歷年畝捐積欠所得錢數千緡俾爲修志之費於是埵設修志局於勸學所以邑紳趙君熙光王君運新董其事聘曾明經學傳爲總纂陳太史國華段學博毓葵副之期以六月而成書凡與調察編審之役者僅取給於紙筆之供胥潔己

以從事故費不煩而事已集夫時方患擾攘而乃殫志於文藝之末豈徒夸飾治平已哉誠以易世之際國典失序文物崩壞其遺文軼事之散在民間者亦因以蕩佚殆盡故有志於著述者尙不憚抱殘守缺以冀傳信於異代而撫拾煨燼之餘其僅存者幾何此有史以來志士仁人所嘗痛心者也溫江雖一邑自清之季蓋嘗多故矣迄於今日匹夫匹婦之赴義蹈仁其行事已不可盡知卽灼然可見如河流市集之故墟風土儀文之常態亦寢將變滅而不可復識古者邦國之志職掌有

溫江縣志

卷首 弁言

二

歸一旦聽其放失使異日爲政者太息於文獻之無徵則守土之吏亦與有罪焉今幸而獲諸君子相與講求其事於泯莽之會亦未始非斯文之幸也又明年庚申春書成而驥卽去官歸未及月先父棄養旣殯又更世變哀毀憂患之餘生已不復聞問舊事及秋季應建昌道道尹黃公辟召入主掾曹而趙君熙光適以書來謂縣志刊刻已竣求弁言於驥竊念治溫十有九月政事多闕雖志期有所補益者亦未能行其萬一及今深念猶以爲咎而邦人士乃恆致其惓惓私心方且益愧所

幸賴邦人士之力縣志猶得成書雖不能謂爲完備然其粲然臚列者亦庶幾足以補故實之缺而資方來之攷證後之君子或循覽其遺跡得有裨於治溫之術則驥未能行其志於今日亦庶幾不負纂述之意而有以慰溫人望治之心是或無忝於先德云耳時中華民國九年十一月十五日前署溫江縣知事張驥謹序於雅州建昌道公署

溫江縣志

卷首 弁言

三

緣起

溫江縣舊志草創於清康熙二十五年三韓王明府瑚再輯於乾隆十一年燕山馮明府中存三修於嘉慶十九年錢塘李明府紹祖王馮志已無存李志雖存殊嫌陋略人物如尹瞻任漢之倫爲邑魁者皆闕傳所志多屬鄉里好行其德之士不足資觀感而興起後來其他亦均如簿記雜鈔不必盡歸典要望之令人色阻吁可慨已光緒末愚爲溫江縣鄉土志按求補苴潤色不遺餘力頗爲識者所與今國家新造

溫江縣志

卷首 緣起

四

列縣皆奉令修志邑侯成都張君驥照會紳耆趙君熙光總理局事而聘學傳爲纂修陳侍講國華段副貢毓棻爲協修陳段二君皆虛懷聽愚所爲愚以是得伸鄙見八閱月而書成凡十二卷多舊志十萬言烏虜愚之爲是書非以文掩質而語皆徵實未嘗虛弄筆墨不過與鈔胥異耳若夫尼父之褒貶史公之發憤廬陵之感喟謂愚有之則吾豈敢庚申孟春阜江逸人曾學傳

敘

維古蜀魚鳧王國之墟其水土腴潤物候冲融空間靈光秀氣細縕布濩歷千百稔其民沐浴天和生多內美猶珠在淵璞在岑深隱而未顯其出而與世相觀者特霧豹一斑雲龍片甲未露其全故索諸舊乘錄錄泯泯亦部婁之姿溝剛之淪乾球璣琳其文不可得而見也然先民之德揜於人不揜於天豈必皆炳諸青簡而後與日月爭光哉苟無其實空名徒累五都之市爛爛者必皆希世之寶然歟否否吾茲最爾邑便夷而陋之可

溫江縣志

卷首

敘

五

乎人陋之而我從焉是猶有俗垢之心而忘吾珍也天旋地轉訖於今秉鈞者志乎人文國中列縣咸有事焉邑明府張侯誤採虛聲禮延學傳躬纂修縣志之任自顧疏直固辭不獲而同事諸君子悉虛懷聽愚之所爲自揣雖不負人善能唯唯以從萬眾之責望乎則邱山之衅自此負矣雖然知其不可而爲之吾先師之行愚又何逃焉愚亦惟以敬恭桑梓之心剖吾肝瀝吾血以染吾毫貢諸萬目發吾邑之闕而遺其糠粃也學傳寄生茲土居常惟耕一硯操一瓢藉一椽以蔽風雨冉冉

垂老無毫髮補天地無尺寸報父兄惟日嗟嘆爲後起英秀效矇瞍之誦而於吾鄉邑尤有無窮之奢望焉清道光咸豐間邑改修學宮旣成訓導田守倬作記謂其尤異者天生梁木圖成太極宛有二龍繞之其文深入膚理其像精於藻繪此非尋常瑞木可知矣今未百年斯文之兆必有應運而興者則是篇猶一鱗一甲之露也

畧例

昔人著書無定例書成而後例成董子謂春秋無達例

溫江縣志

卷首

敘

六

是也是篇例目數易而始就非敢膠柱鼓瑟尤不敢徇眾人之愛惡而失是非之眞亦庶幾君子志也志爲縣作故首建置設治必因地勢故次之以地理有土斯有人故次之以民政民治莫急於養養必繼以教故次之以風教風教之得失尤視乎學術故次之以藝文有文事必有武備安不忘危治不忘亂故次之以兵事數者政之經也行政必得人故次之以官吏官吏得失爲政治之隆污人才消長尤地方之榮辱其壯江山之色爲桑梓之光者莫大乎人物士旣賢秀女亦貞淑

人間遺韻草木流芳故人物必繼以列女人性既盡物性因之則物產亦在所不遺而畸事瑣聞雖無關體要亦有可觀故以雜識終焉

縣乘最貴詳核惟屢經變革兵燹之餘文獻漸滅往事雲散陳跡依稀可攷者稍加補綴無徵者概從闕畧信以存信疑以存疑誤者正之幽者颺之非敢意爲增損致蹈虛誣

筆削棄取原以示後人之向背嚴而不刻寬而不濫是纂修惟一主指苟有行誼雖微賤必錄示崇德也苟無

溫江縣志

卷首

畧例

七

善狀雖榮貴不書示畧勢也卽曰善善從長惡惡從短然未可以虛辭濫冒致三代直道亡於里史至報者之過容或不免要必裁之以存其真且篇中論斷多寓勸戒亦古作者志也

或曰志爲子修子之一家撰述與子之祖父母妻子悉書不亦私乎曰余溫人也余亦書溫人之撰述與溫人已故者之行誼耳非有阿私飾爲虛辭欺人耳目于鬼神之指摘也卽坵陳己意亦猶遷史之自敘君子何責焉

或曰邑人職官者壽何以不特書曰人物志詳矣若無行可述盈千累百無所表見之姓名人亦何暇歷覽覽之何益反增識者厭耳不書正以示後來者之勉爲善而不沾沾只圖富貴壽考也人物傳坵及子孫之生存者何見善人之有後也

或曰布衣筆削之權視政府進退賞罰尤干嫉忌故向來撰志者皆依樣壺盧不敢自抒特見子之爲此獨不懼乎曰知其罪而不避此亦天賦本心是非之權不可奪也此噉然者可告諸後世而非欺也孔子曰不如鄉

溫江縣志

卷首

畧例

八

人之善者好之其不善者惡之敢質當代大人君子垂教焉

目錄

卷一 建置 設治始末 疆界 區域 縣城 鄉鎮

卷二 地理 水道 坵津梁 道路 古蹟 坵墳墓

卷三 民政 戶口 保甲 實業 水利 倉儲 賦稅 公費 選舉 法國 坵公益 慈善 團體

卷四 風教 學校 科目 祠廟 坵寺觀 坊表 禮俗 宗教

卷五 藝文 專書 稊書 輯本

卷六 兵事 防警 寇亂 民軍

卷七 官吏 治績 遺事 題名

卷八 人物上 鄉賢 孝友 忠節 行誼

卷九 人物下 志操 文學 宦蹟 武烈 流寓

卷十 列女 節婦 烈婦 孝婦 貞女 烈女

卷十一 物產 動物 植物

卷十二 雜識

中華民國九年歲次庚申斗建寅月邑人曾學傳識

溫江縣志 卷甫 目錄

溫江縣修志局職務姓名表

職務 姓名

監修 溫江縣知事 張驥

監印 溫江縣知事 楊耆

纂修 曾學傳

協修 陳國華 段毓棻

總理 趙熙光

協理 王運新

稽核 趙璧光 唐炳文 楊正 蔡毓棻

調查 威興斗 羅璋 高明光 趙汝翼

王國倫 張洪鼎 劉開基 陳玉登

李汝翰 張恩溥 王德周 張國傑

周澤豐 堯協春 張德興 曾協義

楊璧光 彭紹祖 楊文傑 劉文龍

龐澍森 羅鑑光 李雨膏 馬玉林

易鴻賓 雷敬修 王偉烈 熊緝和

劉文楨 周成熙 羅常清 巫孔章

巫煥章 李鳴崗 盧鴻圖 朱煜生

溫江縣志 卷甫 職務表

張鴻舉 朱廷謨 龍在田 戴命侯

朱孔修 傅凌雲 李國華 趙輝山

戴國鑒 楊忠舉 陳超然 徐東文

梅 萼 趙連周 周正昌 袁啟章

雷錫鳴 何邦彥 張德孚 徐鳴泰

尹廷相 王運熙 趙正松 黃思陶

舒錦文 任光國 廖崇銀 曾成武

周懋勛 趙正清 李少棠 劉毓鳳

周青雲 鄧登瀛 李國輝 凌澤涵

宋文鼎 盧 澤 宋文成 胡宗炳

敖廷福 陳光達 蕭世貴 龐展驥

趙嘉璧 張振基 王瑞廷 羅邦彥

宋永富 吳熙伯 羅紹湘 郭子龍

吳祖周 鄧崇裕 李世貴 魏大鵬

陳兆昌 李玉珊 蕭錫宗 蘇錦鏞

高紹祖 楊爾澤 陳象榮 劉文祥

陳世鑫 胡春陽 張光祖 劉煥章

周吉士 陳樹熙 陳樹芬 陳樹藩

陳樹華 雷宗文

調督 郭純清 官秉政 彭 漣 陳登甲

查 幹 強

繪圖 楊 正

校勘 唐炳文 沈桂祥 劉藜輝 趙咏中

庶務 武宗緒

文牘 郭純清

書記 王曙雲 黃希佐

繕寫 袁毓文 岳池人

刊刻 韋聲揚 本邑 韋金臣 李肇銘 同李繼麟

溫江縣志 卷首 職務表 劉肇榮 漢州 許子修 華陽

溫江縣修志審查會姓名表

正會長 季輔昌

副會長 王承烈

會員

沈桂祥 堯 階 張恩溥 張 仁

唐棣華 高敘倫 鄭 詩 陳登甲

徐鳴謙 周萬翌 劉藜芳 黃宗幹

戚興斗 李文煒 魏 博 黃紹香

熊煒雲 許陞儒 蔣輝模 江國鏞

楊光旭 張 銓 羅 璋 王允中

溫江縣志

卷首

職務表

主

陳希烈 宋鴻猷 黃光顯 李文耕

李汝翰 杜國華 朱 英 趙建中

李映宗 尹朝宗 劉開基 王國倫

朱肇修 張振新 彭 漣 郭本立

高應崧 李鳴崗

溫江縣志卷一

建置第一

溫江延袤近百里皆平疇膏腴沃衍大江縈帶桑麻之淵文章之府歷唐宋元明清上下千餘年間天迴地轉人事締造變遷興廢之蹟雖波流雲散不盡可考而其犖犖可述者固未盡與寒煙蔓草並沒也爰舉建置年代及其本末冠於篇首以示後焉

設治始末

溫江縣志

卷一

建置

十

溫江縣爲古蜀魚鳧王都西魏恭帝二年置屬益州蜀郡治於此是爲溫江縣最初建置時代隋開皇三年省入郫縣仁壽三年改置萬春縣大業二年又省入郫縣唐武德三年復置萬春縣貞觀元年改爲溫江屬劍南道益州縣名始定

溫江縣未置以前在唐虞夏屬梁州商周屬雍州春秋戰國屬蜀國蜀之爲國最古黃帝爲其子昌意娶蜀山氏女生帝顓頊後封其支庶於蜀世爲侯伯歷夏商周武王伐紂蜀與焉周失綱紀有蜀侯鰲叢始稱王次王曰栢灌次王曰魚鳧王田於湔山隱去蜀人思之爲立

祠今溫江縣城北十二里有魚鳧城遺址相傳爲魚鳧王都是爲溫江秦漢前古蹟之最者有徵者魚鳧後王曰杜宇徙都郫號望帝其相鼈靈決玉壘山除水害杜宇禪位鼈靈鼈靈王蜀號開明氏傳十二世爲秦所滅秦始皇改蜀國爲郡因杜宇故都置郫縣今溫江縣皆郫縣地漢分屬郫江原二縣後漢因之晉屬蜀郡郫江原二縣後分屬晉原郡宋因之齊屬蜀郡郫縣分屬晉康郡江原縣梁屬蜀郡郫縣分屬江原郡江原縣西魏尉遲迴克取成都後始分郫南境江原東境爲溫江縣

溫江縣志

卷一

建置

二

溫江縣既置以後隋唐間迭有變革貞觀初改萬春爲溫江自是遂相沿不復改天寶元年屬劍南道蜀郡至德二載屬劍南西川成都府宋太平興國六年屬益州節度嘉祐五年屬成都路元屬四川行中書省成都路明屬四川布政司成都府清屬四川布政司成綿道成都府中華民國屬四川省西川道

曾學傳曰縣治新開江繞其北東楊柳江纏其西南二水環流舊皆被溫江之名以江水溫潤故也邑人

士號溫江爲湔江於實無徵其殆以魚鳧王田於湔山而誤及之歟漢書地理志玉壘山湔水所出湔山當卽玉壘也玉壘在灌縣境邑湔水東流經廣漢入雒於溫江南北闊如不相涉也楊慎全蜀藝文志載楊天惠瑞芝頌云給園之中湔水之湄胡叔豹溫江龍興寺無盡圖通會記云湔江之東有大寶刹其誤蓋七八百年於茲矣舊志引李吉甫元和郡縣志文翁穿湔江灌漑二水環城而下雲煙出沒草木蕃麗邑屋相望雞犬之聲相聞想見潤澤生民爲蜀計者

溫江縣志

卷一

建置

三

至矣李志所謂湔江卽華陽國志所謂湔江口溉灌繁田者也李志所謂二水乃郫流二江環錦城而下豈謂吾新開楊柳二江哉吾人生長斯土相沿不察可乎因附著篇首正之

疆界

溫江縣在省城西少南五十里東西袤九十五里南北廣四十二里東至蘇坡橋三十五里交成都縣界西過石虎壩抵界牌六十里交灌縣界南至輪金橋二十五里交崇慶縣界北至魚鳧橋十七里交郫縣界東北至

三邑橋二十四里交成都郫縣界東南至瓦窰灘二十
六里交雙流縣界西南至樂豐橋十八里交崇慶縣界
西北至清遠場三十里交郫縣界

區域

縣城居中城外曰廂廂外曰鄉明設七鄉東曰安谷東
北曰長春西曰維新西北曰全集南曰太平北曰廣福
自北而西曰行義清順治十六年分設二鄉曰維新曰
太平康熙初改爲三甲西北爲一甲曰天生堰曰太平
雙屯北東爲二甲曰天王寺曰華嚴寺自東而南而西

溫江縣志

卷一

建置

四

爲三甲曰羅家村狄家漕尙義村鄉人目三甲爲三鄉
一甲爲全集鄉二甲爲太平鄉天王寺曰北太平鄉華
嚴寺曰東太平鄉三甲爲維新鄉羅家村曰東維新鄉
狄家漕曰南維新鄉尙義村曰西維新鄉民國分爲五
區城廂曰城區東維新鄉及東太平鄉爲東區南維新
鄉及西維新鄉爲南區全集鄉爲西區北太平鄉爲北
區

縣城

溫江縣治在新開楊柳二江之間鳳溪襟其前蘇溪帶

其後舊爲土城明成化間邑令李棠築石城周六百六
十一丈爲門五正統間邑令段善鑿池深八尺闊一丈
清乾隆九年邑令馮中存始增築城上女牆三十年邑
令海桂始改修磚城後令謝泰宸林儁續成之周七百
三十七丈六尺計程四里一分城門樓五東門曰和甯
南曰贊元曰文明西曰慶豐北曰拱宸東城樓曰迎暉
南曰萬春曰南薰西曰來鳳北曰望京嘉慶間城圯邑
令李紹祖繕城工竣於城外掘濠緣隄植柳七百株號
柳城咸豐末因滇匪之亂砍伐無餘

溫江縣志

卷一

建置

五

清邑人王侃登迎暉樓詩往古魚鳧國登樓欲放歌
壯懷空宇宙盛氣挽山河事作千秋想時憂一瞬過
男兒須稱願何意老吟哦
清邑人趙鍾靈曉登東城迎暉樓感詠江外朝霞飛
霞外春城古城外柳浮煙一樓日初吐我時登樓望
霽暉照寒圃百雉排參差萬鴉自飛舞殘月景陽鐘
橋頭曙色苦惟餘葵藿忱遙落扶桑浦長叫魚鳧王
愁雲下天府愴懷百代事治亂不可數何處上東門
狂嘯忽騰虎胡雛亦雄姿乃敢腥中土一幅古江山

清愁掛肺腑舉手招六龍義和轡如組俯視青茫茫
萬里入平楚逝將捧日飛去天只尺五 又登望京
樓詩萬里西風外孤城北斗陰肯將憂國淚迸入倚
樓吟落日神州色長空野客心回憐幽薊月龍虎忽
銷沉

邑人趙建中登北城樓詩長天何處是君門雲樹蒼
茫野色昏獨倚危樓搔首望瑤臺風月不堪論

邑人曾學傳登西城樓詠懷江水東南流江草碧如
油之子志有在來登城上樓民物多乖違和光我所

溫江縣志

卷一

建置

六

川

求高駕何時命所願非王侯白衣定四海春風扇九
州功成不受賞歸臥岷山頭

又阜江雜詠萬戶垂楊裏鶯歌綠滿城秋風吹折後
空負宰官情柳城天清極萬里氣晶薄千尋海水飛騰

際蒼茫捧日心樓迎暉故里乾坤小春風醉倚樓萬家

平壤接終古大江流萬春樓水抱黃輿轉風從赤道來

幾家蘇病骨臨檻獨裋裊南薰樓鳳去樓空在西山日

氣黃頻年憂藏衛萬境雨茫茫來鳳樓消息神京闕安

危繫草萊每從西極望風雨隔瀛臺望京樓以上五詩皆光緒末年

作

灌縣師表柳城金縷曲詞翠靄春城暮問裊裊垂楊
七百竟歸何處雉堞參差斜照裏輕抹幾痕煙縷恰
好似柔絲飛絮鎮日淒涼鶯燕語情阿誰笛弄梅花
譜百年事成今古 尋春有客城頭步憶當時纖簪
淡畫細腰低舞是否離人攀折盡空自東君辜負千
萬點藏鴉已去漢苑隋堤今安在總飄零幻入紅羊
數頻慷慨登樓賦

城廂街巷

溫江縣志

卷一

建置

七

川

文廟街亦名文正街 東街舊名狀元街以小南街舊名

義學街大南街 西街 西橫街 北街有育嬰堂光緒

改設社學巷 新寺巷 東巷有養濟院北巷 何家巷以上城內

和甯街 蒜市街 東壇街以上東廂

慶豐街 麻市街 西壇街 臨江街 金烏街街後有金

烏池故名王家巷有觀禮野彭家巷以上西廂

超然橋街廂南

縣中署局處所

縣公署在城中正街即舊知縣衙門明末流賊張獻忠

焚燬清康熙三年邑令蕭永茂建修

蕭永茂建修縣署碑記溫江昔號萬春實古郛地也自唐遷邑於此遠山秀出近水繞城而縣治之勝遂甲觀於西蜀居斯土者士逸農安商工皆烝烝於道樂其業而不敢少有所懈或曰風俗使然或曰先勞之力故溫治實稱蕃庶焉自故明迄於甲申變亂四起省會騷然疆宇竟爲逆賊所據繼以其勢孤無援力不能支大肆厥虐戮其民焚其室而縣治亦鞠爲焦土予於甲辰歲叨任邑令於蔓草荒煙中謀所以

溫江縣志

卷一

建置

新之鄉耆父老環聚而泣曰邑民皆四道流寓謀食未遑役以進勦遷移數大事民心搖搖靡定創以大工也一難悉則爲父嚴則爲仇此民心大率皆然也俱各有祖宗廬墓之思勢必盡歸本邑邑而無民與無邑同創以大工也二難且也地近省會凡衙署樓臺寺觀輒提夫匠佐工民馳於道有恨其技術之不良而自斷其手者旣以困憊不堪創以大工是重困也三難居此三難而欲官之安民之逸工之成而上臺之聞而喜喜而贊之者未之前聞予曰否否不振

於前無以繼其後必居其易何人任其難土地荒蕪

爾其闢之水利未興爾其瘠之桑麻未遂爾其植之子孫未賢爾其教之子能獨肩其任斷不爲爾病遂具詳於撫憲以暨司道諸上臺俱報曰可愛合夫匠趨役者每人給米一升銀二分每十人給鹽茶蔬菜酒若干遠近聞之忻然赴工輩以什伯計溫民亦有良而佐子之勞悉如數以給之於是誅茆芟荆運斤視墨皆竭作以副予志予亦不甚督不數月而堂成不數月而內署又成不數月而頭門二門以及左右

溫江縣志

卷一

建置

書房又成共計瓦屋三十間書圖草屋八楹二載之內悉以告竣向日鄉父老之所謂難而不易者今且易而不難矣堂成而溫之土地漸闢溫之水利漸興溫之桑麻漸遂溫民之子孫亦漸賢而不頑風俗之良不於斯足徵也哉噫居官者皆以堂署爲傳舍朝而蒞任夕則慕遷孰肯因其有而補葺之孰肯因其無而創建之拮据之勞予所不辭更有望於繼斯者亦無忘予拮据之勞斯可耳謂垂諸貞珉以示功之不朽也則予豈敢

典獄署在縣公署右民國初卽舊典史署改設

警署在贊元門內民國初就汎地改設

徵收局在文廟右民國初就訓導廢署改設

勸學所在文明街清光緒三十三年就萬春書院改設

實業所在北街育嬰堂內民國八年設九年遷武廟

蠶務局在東城武廟內民國五年設

貧民教養工廠在東街民國二年設

菸酒公賣監察所在火神祠民國八年設

地方公款收支所在城隍廟後殿東廂民國七年設

溫江縣志

卷一

建置

十一

川

司法經費收支所在城隍廟後殿東廂民國六年設

併入地方公款收支所

警團經費收支處在城隍廟後殿東廂舊名餉捐局民

國八年改設

團練局在北街勾園舊名五區團局民國八年改設

城區團練辦事處附設團練局

司法警察所在縣公署頭門外民國七年設

懲役場在衙神祠民國八年設

城中勝蹟

龍門在學宮前白龍池上清光緒十六年邑士紳建高

四丈二尺形勢雄偉蔚然壯觀

阜江雜詠待看神龍出龍池夜色深勢空凌漢際氣

迴壓城陰

文峯閣在南城上嘉慶間邑人胡時超捐貲創建

四水塘同治五年邑令段東暹鑿

水星塘在城西北隅 水德塘在城東北隅

文水塘在城南隅 武水塘在城東隅

勾園在城隍廟後東北隅光緒二十二年創修教諭萬

溫江縣志

卷一

建置

十一

川

縣杜翰藩題

曾學傳記溫江延袤近百里皆平疇無游觀所光緒

丙申鄉人就城北隙區縱橫各數弓滌濁夷污崇垣

構左右起樓榭中鑿池半規疊石齒齒成峯游魚數

尾出沒其下池畔蒔藤如蛇負壁蜿蜒上庭樹雜卉

點綴闌砌供憩賞題曰勾園取約也凡事之可以拓

吾民智囿宏福林者雖費鉅萬日謀恢張不爲侈苟

以斗筲知識營之陋矣若第爲游宴之娛則是區區

者斯已可耳呂梁濠濮間趣豈在遠哉今夫大千世